

虛受堂詩存

虛受堂詩存卷十二

長沙 王先謙 益吾

閉關

以下
丁亥

眼○盡○流○沙○西○復○西○閉○關○何○處○著○九○泥○若○非○尼○山○扎○薩○克○
爭○定○佛○海○閭○浮○提○大○聖○憂○勞○營○四○極○小○儒○齷○齷○守○
中○閭○請○看○絕○域○天○驕○子○都○把○詩○書○換○鼓○鼙○

和陶心雲人日書感次駱沆瀝韻

時在
幕中

詩帶新愁上鬢斑樽開人日索歡顏梅花柳色杳何處
淶水紅蕖相對閒蓬島未妨風引去鄧林誰見日追還
憑君自定千秋業案走龍蛇晝掩關

題徐節母勁節樓事實圖冊

節母長洲陸氏年十九歸同邑徐景章未

一歲景章卒遺腹生子德原家在楓橋居一小樓二十餘年至戚罕見其面奉姑育子惟母力食卒年四十二越十年平樾峯太守題所居樓名勁節李湘舟涵約母生平事實爲繪十二圖徵詩數百家勒石吳中節孝祠咸豐五年旌於朝德原遭亂攜圖出走詩卷散失圖幸無恙重裝徵題樓煥

於賊德原立故址碑

翁姑在堂兒在腹母心雖死命可續一榻江樓二十年

江頭不見鴛鴦浴翁亡姑老兒尙嬉仰母十指相扶持

更闌停繡血痕見苦憶當年雪藕時景章患咯血每飲藕汁節母治藕傷

指血流不止十二圖之一也兒年長成母何許每說劬勞淚如雨作

繪徵題八百家誰歟匹者汪輝祖竹柏雙清江水旁乾嘉

開楓橋有袁節母
竹柏樓今亦燬
嘯鳥終古斷人腸
行人試向楓橋泊
夜半鐘聲總帶霜

心雲餽越中糟鵝食之而美賦詩爲謝

君不見放翁作詩述桑梓村賽神鵝置高机陵谷推移
七百年至今風俗還相似祀神歲晚豐且潔豢養籠禽
備甘旨虔登列俎要霜毛沈浸清糟儲臘尾君家渾舍
重神惠海舶提攜從遠致土物馳躑未足論仙胎鴻脯
應同嗜今朝一嚙分到我喚婦出房謀佐醉寸切盤堆
白玉瑩深咀味帶香醪膩此鮮昔稱天下無薄嘗始信
名非虛山陰勝事古來夥前王後傅相軒渠君今書法

誇絕代。坐見鄰里供千雛。老饗無物可報謝。賦此作券。
如符繻。吁嗟乎。安得棗陽臙脂走千里。
楚北棗陽產鵝極美作脯以色
紅爲上品壓以楚糟持贈子。
名臙脂藕

寄園雜詠十首

墨華榭

深簷翳青冥。奇石逞光耀。元音發沆瀣。嗣者各英妙。誰
知榛蕪沒久辭。日月照尚恐沈埋多。巡廊獨憑弔。
陳君延恩
寄園八詠末有祁文端跋二碑存一知缺失不免

虛受堂

吾哀宇宙閒。人盡爲我累。一塵起方寸。萬象森魑魅。時

來。茲。堂。坐。虛。靜。見。心。地。激。之。使。不。盈。以。作。載。道。器。

永慕廬

漢王守藩國望母作臺園廬君莅官舍都屋設几筵榮
戟崔那帽慘泣歐陽阡來者同此心茲廬庶可全

存雪亭

季子不可作名園蕩無存誰歟始亭者懷古意何敦我
今踵爲之作記代其言欲尋雪浪迹有石仍孤蹲

亭旁有巨

石相傳
季遺物

雪浪湖

湖形今已迷池水猶可玩信知斯園地僅割清機半

江陰

縣志署西偏得季科清機園故址之半春深桃柳喜人到鵝鴨亂吾師杜陵意此景雪邊看

香雪亭

破萼臨風晨橫枝耿月夕孤亭偶來憩微香蕩吟魄海
壖春到晚彼美傷岑寂無那詠花人當花有行役梅花
杪盛開督學者每先期
離暑按試不能待也

斟古閣

傍池闢小閣占地喜孤高辟寒閉北戶挹爽開西寮欣
然展我卷坐覺神解超何必學董生目不窺園條

蒼簣徑

步屨上後園。千竿青玉映。透迤遠相屬。巧作通幽徑。滋
培閱歲時。鞭逸籜爭迸。勉爾拏雲質。各放凌霄勁。

列岫亭

恣覽卑舊基。更端就新築。平生豁達胸。騁此千里目。四
山獻嵐翠。趨走競蒲伏。大笑東風前。因人真錄錄。

湘菜畦

我生走江海。魂夢瀟湘湄。頗喜園夫勤。鄉味日以滋。未
忘季鷹志。聊作元脩詩。雞豚亦云美。我心終不移。

題龔壽光扁舟散髮圖

憶君垂髫小繡襦。人人走詫驂。驪駒竭來三十不稱意。

泥汙白璧淵沈珠客中示我散髮圖云將扁舟浮五湖
金門射策適不用狂歌痛飲真吾徒我聞淵明謂此非
名計一第豈足分榮枯仲翁抽簪未可擬巢父入海終
焉如君家苓落危引髮仗子奮起高門閭浪遊已復拋
歲月 聖代誰見逃樵漁還君此圖三歎息湘上幸
念先人廬君不見東坡先生非腐儒亦勸安惇讀舊書

櫻花詩 並序

櫻花日本佳品也東人井上陳政來中國從俞
蔭甫前輩問學攜栽孤山俞樓下蔭甫賦四詩
心雲復作十八絕句詞極奇麗陳政刊之以誇

其國人余戲謂心雲此花得子而名益章他年
人呼子爲陶櫻花矣余以未見此花爲恨心雲

復圖之乞題其上

西。來。佛。地。蕃。鶯。粟。攪。海。翻。江。散。霜。鏃。何。如。東。土。有。櫻。花。
付。與。詩。人。作。膏。馥。移。根。上。國。來。何。爲。問。花。不。語。頭。低。垂。
我。知。花。似。東。人。意。愁。對。衣。冠。異。昔。時。日本十數年來效西服 稷山

居士

心雲自號

發吟弄隅川加婆更矜重

隅田川日本產花地赤白加婆花名

昔。猶。徒。令。大。馬。肥。戎。王。羞。與。將。軍。種。一。幅。嬌。雲。照。眼。寒。
空。畱。春。色。在。毫。端。不。從。西。子。湖。邊。見。會。向。東。洋。寺。裏。看。

上海洪口東洋本願寺亦有此花

題蔣萼

跼棠詩卷

蔣高郵州學正

感君心事欲拏雲開不嫌遲我亦云

近作多遲暮之感其詠菊云開逢秋

好不嫌遲

生愛幽花無俗骨家傳治譜有清芬郎君已過舒

教授官舍真成鄭廣文

君名所居曰醉園

吟雪未須傷歲暮春

風吹碧泮宮芹

自清江浦登陸赴徐州道中柬心雲

重裘暖帽自摩抄擾擾風沙腳底過病裏又添新白髮
客中時見舊黃河千年桑海誰能料一曲玲瓏且放歌
輪與同行陶靖節高懷隨處有吟窩

月夜聞笛

月輪猶作傍江明。楊柳隨風綠盡生。斗覺寄園春意滿。
不知今夕在彭城。
百步洪前石岸隤。古時篙眼沒蒼苔。可憐泗上千年月。
誰更黃樓聽笛來。

次韻心雲寄朱一新
替生御史義烏

長嘯金鷺潭水濱。歸來元不爲抆尊。及時好補南陔詠。
未必朝廷捨此人。

氣清骨直應休名。今日翻緣諫得旌。乍了乘軺新事業。

來追折檻舊家聲。

朱乙酉典試湖北有聲丙戌以劾總管太監李連英措詞失當左官

李侯高臥謝衙參。袁繆時懷北隴慙。

純客不出久思南歸硤秋筱珊亦各

擬出明歲宣南歡會地。冷雲枯樹我何堪。

壯年未辦作閒人。歲月還驚下坂輪。聯唱喜聞坡有弟。

朱有弟苗注書勤續瓚稱臣朱精史生亦佳士漢之學

徐州花發春行盡。空付雙魚到葦閒。爲報淵明苦相憶。
去年並轡看西山。

徐州試院柬心雲

東坡見黃九矜誇天下才。不得就我館作歌展孤懷。兩
美難合併。人事苦多乖。未若吾與子。昕夕相追陪。東風
爾何事。不到清河隈。庭前數株樹。生意未肯回。應憐試
事緊。故待新詩催。惜哉寄園春。殘紅委莓苔。知君堅不

出欲舉花前杯。束縛海鶴姿。相將入塵埃。此邦豪傑地。
覽古空蒿萊。霸業久寂寞。洪流失掀掀。江山要點染。還
遲謝蘇來。茲行未失計。得詩君應咍。

送孔

廣審

諤卿歸曲阜省觀

孔聖裔舉人

君家雖隔鄉。此去三百里。且爲十日別。往博二老喜。兼
旬困文字。失笑蠅鑽紙。出郭懷抱開。春風舞桃李。馬頭
迎繹山。塵袂浣洙水。懸知到家日。佳氣溢桑梓。高門古
昌平。忠孝世所砥。菑畬堆卷帙。金鐵鍊牙齒。堂前與堂
後。竹茂萱亦美。百歲陳損之三兒。戴頤子君歸詠陔華。
不用陟岵岵。試繪家慶圖。南來相指似。微生墮孤露。感

歎無窮已。回望永慕。廬猶疑白雲起。

段

詰小湖桂

中行

履真丁

仁澤

潤之招飲雲龍山

放鶴亭賦詩爲別

段徐州道桂徐州府知府丁銅山縣知縣

吾憐謝宣遠。貢諛戲馬臺。未若蘇徐州。黃樓自舉杯。古

今文字飲。幾輩心顏開。不謂名勝區。茲筵忝歡陪。主人

盡賢達。不惜酒如淮。賓客雜龍虎。

生有馮編修煦董鎮軍鳳高

談笑

生風雷。我今迫王事。詰朝走塵埃。坐恐失清景。偷閒狎

尊罍。雲龍尙蟠屈。霜鶴不歸來。登臨一悽然。豈忘羊公

哀。分攜各努力。勿遣後世咍。作歌記歲月。聊展平生懷。

次韻馮

煦

夢華編修見贈

馮丙戌

探花

綴賦鸚鵡洲作記凌虛臺詩翁荒山道經師江上杯把
卷弔古人攢眉常不開

聖代英靈集廊廟歡相陪

聞君聲名久獨步當江淮龍蟠三十年湫潭鬱雲雷天
門啟誅蕩回首謝塵埃披豁萬眾胸歡呼倒尊罍文章
要領袖此心期後來用爲采風官拔盡抑塞哀持慰稷
山子

來詩及
心雲

相將飄然哈不須悲晚遇時作故山懷

夢華有詩贈行再次韻

早君二十載挂名視草臺行年校一歲忝讓屠蘇杯始
知傲霜花不屑爭春開矯然衝天翻几鳥誰追陪方州
古禹甸三望海岱淮講堂得鴻儒教益成風雷忽將捨

此去皇都播清埃。遙憐魯諸生。離筵泣盈壘。我今雖遠別。隔歲定北來。酒有後會樂。詩無臨分哀。永言結同心。考道窮歡咍。吟君瓊瑤什。更寫踴躍懷。

徐州九絕

彭祖樓

修到人間八百年。飛昇從此向無還。早嗤髯叟題濠廟。莫信酈元注蜀山。

桓山

袁浦已遭公路屈。桓山眞爲向魑慚。柳州辱水猶云可。荆國爭墩定不甘。

戲馬臺

靈境全歸豁達胸登臺劉項各英雄臨風試誦山圍句
方識詩人意象同

范增墓

秦民阬盡故宮燒祇盼鴻門王氣銷關苦兩雄君不樂

抽身猶得臥山腰

蘇子由詩范
交臥山腰

燕子樓

尚書里第笑全非一上高城送落暉猶有翩翩舊時燕

欲將門巷認依稀

樓舊址無存近人
修建東北城上

快哉亭

當年辭李飽經過結構成陰幽意多聞道使君添水閣

要看皓鶴浴紅荷

亭屋三間筱湖擬增建

興化寺

石佛無言似有神何年拔地見金身

寺中就巖石鑿大佛但見其面及肩

本來面目誰能壞坐閱唐梁戰伐塵

黃茆岡

屢遭非意底相妨時觸虛舟亦自傷惟有黃茆岡下石
殷勤解作使君牀

黃樓

忠策誰思賈讓言

東坡在瓊州聞黃河復北流詩云三策已應思賈讓孤忠終未赦虞翻施

注宋神宗元豐四年澶州言河決小吳埽詔東行河道已填淤不可復更不修閉上曰陵谷遷變雖神禹復出亦不能強蓋水之就下者性也哲宗元祐三年知樞密院安燾等疏議回河東流平章重事文忠烈中書侍郎呂正愍從而和之子由在西掖謂右僕射呂正獻曰河決而北先帝不能回而諸公欲回之是自謂過先帝也正獻曰當與公籌之然竟莫能奪其役遂興至於累歲東坡嘗侍上讀祖宗寶訓因及時事曰黃河方北流而強之使東執政恨之宋史河渠志略云元祐初河流雖北而孫河低下河北諸郡皆被災於是回河東流之議起時吳安持李偉力主回河七年十月以大河東流賜吳安持三品服李偉再任紹聖元年都水使王宗望請付史館紀續元符二年六月河決內黃東流斷絕左司諫王祖道請正吳安持李偉等之罪詔可

前謨遙契大蘇篇

乾隆閒以黃河入淮屢修屢決尙書孫嘉淦嵇璜先後請導黃北流

入大清河

上諭

以河方南流不能挽之使北蓋

俟入大清河後因而治之至同治閒始北入大清河值

兵事甫息

國帑空虛地方大吏復無

樓頭舊壑無尋

遠慮因循補苴遂致河患不可收拾

虛受堂詩存

卷十二

處○可○待○神○工○挽○逝○川○

頃聞有挽復淮
徐故道之議

邳州舊城南有留侯進履處二首

書○託○仙○傳○道○始○崇○陰○謀○緣○飾○亦○英○雄○一○編○尙○父○遺○兵○法○
誰○見○人○間○黃○石○公○

曹○相○虛○堂○延○蓋○宴○釋○之○結○轡○事○王○生○當○時○學○術○宗○黃○老○
此○意○何○須○問○穀○城○

過宿遷境見夫婦耦耕者有詩

綠○蓑○白○紵○鎮○相○隨○頗○似○連○州○刺○史○詩○未○必○此○中○無○冀○缺○
不○曾○看○到○餉○耕○時○

過沐陽贈知縣金元煥

此邦眞作探丸場我見楊生說最詳丹山曾閉閣曾無
數朝暇錄囚長是一年忙聚觀到處知人滿甘渥依時
喜歲穰穰袴有音刀劒少使君用意到龔黃

寄題乘槎亭呈諸廣文

並引

周密癸辛雜識云乘槎事博物志未嘗指爲張
騫至宗懔荆楚歲時記乃言武帝使張騫尋河
源乘槎見所謂牽牛織女者不知懔何所據因
話錄以爲事不足信余讀東坡集有次韻陳海
州乘槎亭詩頃以試事至海州檢志知宋代亭
址在龍興山巔今州東五里所稱孔望山也乘

槎事有無不能深考而其由來已久寄題此詩

用存遺蹟且邀諸廣文同賦

博望門前貫月華

州城西門曰博望以張騫得名其稱蓋古

蓬萊山外引雲

車歲時著記從荆楚牛斗窮源說漢家世事又看塵起
海我來眞作客乘槎青盤苜蓿分明在閒與臞仙一笑
誇

胸山在海州城南監試坐堂上日與相對而不得
往遊乃作是詩

芙蓉城主昔年遊人與桃花逝不畱一曲更聞馳鐵馬
三朝眞似見黃牛人閒俯仰成今古海上神仙亦謬悠

惟有新詩磨不滅清光長照碧山頭

蒼梧山

山海經郁州山也

當年滄海東南坼想見神山高下開會稽失卻白水峽
鬱州半割蒼梧堆我疑溟鵬慣遠徙不數靈鷲能飛來
已陋景純箋草木試招虞舜歸蓬萊

遂欲歸蓬萊

東坡登常山廣麗亭詩相將叫虞舜

聞吳望雲主講正誼書院卻寄

華髮日新憐我老抽身及早似公難補天事業全拋卻
略遣春風到杏壇

鳩杖忘扶識地仙鱸鄉長住亦天緣教誰截得龍眠手

便畫先生作四賢

李伯時有吳江三賢畫像

試院與梁季仁陶心雲劉芴雲會食劉斷飲陶飲
甚少作此贈梁並戲陶劉

當年石室古仙曹醉倒猶餘石縫糟卻待峯頭訪靈宇

不應屋底怯香醪

伯倫設誓誑妻兒止酒淵明但有詩兩姓家風渾不似
今人愛古復奚疑

酒人散後君無敵明月圓時我共還預約閒身拌一鬪

教人扶上後園山

署後有高邱俗呼萬壽山君醉後每謂人云能從我登萬壽山否

詩豪酒數要追陪祇恐流年別思催從此與君爲飲對

猶能卅萬六千杯

夢華寄詩有經術濟世之語復次韻

我少慕衛霍揚威單于臺不學懶嵇康彈琴酒一杯功名苦未遂幕府愧屢開何意歌鹿鳴禁從忝遊陪終輪執戟士聲績騰湘淮邇復盛西學萬喙鳴風雷飛輪走敦黎東海生黃埃誰能省遺策垂意瓶與罍我雖嗜經術衣被期後來古籍烟雲滅孤絃風雨哀心疑吾道非坐遣智士哈二柄誤賤子何以慰遙懷

筱湖書來言續刊經解事可相助且云他日以禮

正民春秋斷獄或亦此書之所被也其詞至美不

敢當兼蒙見和前詩次韻爲謝

正民莫如禮后蒼曜曲臺斷獄學春秋江都傳玉杯一
聞高談清使我心神開相期在經術學海容追陪先生
蔚名績前身李臨淮風義天雲高下視陳與雷世人喜
馳驚黃卷生塵埃教化苟不先瓶罄恥及罍先生抱此
意弦誦望後來王良飛上天附輿忝韓哀精刊益千卷
快聽吳兒哈短章宣德音無復騷人懷

諸廣文見和次韻

已將文詠送年華每到溪山便駐車自笑入官那免俗
幾時乘興卽爲家宛邱尙愛先生舍海嶠能通羽客槎

漫道詩人少仙骨芙蓉城主至今誇

陶廣文亮賢慕道家養性之術數以問余未敢對

也來詩復及之再次韻

南國誰尋萼綠華北方自有紫河車門觀眾妙休離坐
鄉入無何便是家慕道祇應謀載寶浮生莫遣託棲槎
嗟予未解還丹妙三疊琴心肯浪誇

寄瞿子玖

早陪六一宴西湖十載回頭事事殊

丙子典浙試胡筱泉師方督浙學招

飲署中

桃李門前桃李樹祇今還勝舊栽無

學署桃李門阮文達署名

門外徧栽桃李

虛受堂詩存

卷十二

古

三年許住是皇恩
篤雅如君更少倫
見說青衿愛時雨
應煩久駐浙江春
吳越溪山話並嘉
思君更折寄園花
韋郎池館逍遙甚
州宅如仙可得誇

夢華書來將以倡和詩乞潤之刊石放鶴亭因寄
潤之一絕促其賜和

亭畔空聞舊試衣

東坡詩雲龍山下試春衣放鶴亭前送落暉一色杏花三十里新即君去

巡

馬如飛後人因爲試衣亭於放鶴亭後

高宗南

御製詩

御書此詩正俗本之誤刊石亭中並

和韻

乞將佳句絆餘暉
游人誰作青山主
付與重來

老令威

胸山石室

君不見秦皇一舉吞中原高掌遠蹠無等倫
竭來胸山望東海立石刻作秦東門豈惟疲氓心慘裂石被鞭笞亦流血當時笑指海門橋轉眼誰見驪山穴不如後來石與蘇醉倒石室相嬉娛高人何心專一壑坐倚十載聲名俱欲尋此室底處所叩石聆聲石無語髯翁曾可容車號以石棚眞蔑古二三好友從我來悵望異代心徘徊桃花松蓋俱可弔洞簫胡琴清且哀

命從者彈胡琴吹洞簫和

之鄭人如今不好事勝地遺蹤誰復記深巖埽石自題名石上白雲知我意

生女

十年不聞兒嘯聲歸來喜氣塞戶庭從頭更與數一索
計口也復名添丁家人但解重生子看取他年嬌學士
慰情省識良勝無出話隄防諺言耳

寄曾沅浦制府

九狀洲前浪拍天莫愁湖上月橫船江南春到花爭發
恨我從公後十年

東坡初到廣陵園曾向申公索笑言不見團團手中扇
新詩雖好共誰論

星海欲來相訪卻寄

吳越谿山路幾千而今一輩見延緣莫愁海角風牛馬
苦說堂前雨雀鱸及我息時剛六月思君見後已三年
更哀老姊頭垂白凝望湘山眼暗穿

極知高義振沈迷孟博新碑爲子題佛性何分嶺南北
道緣長在水東西近聞孔突能尊鄭定學蘇髯欲化黎
星海主講惠州書院聞粵中大吏復請主講肇慶近適有勦撫瓊黎事記取此時珍重意
殘燈晦雨亂鳴雞

病中次韻嵩佺見寄

病。欹。輕。幘。對。江。天。攬。鏡。羞。當。白。髮。前。疲。馬。更。無。千。里。志。
路。人。爭。看。錦。連。乾。

窮時賸有文能賣愁劇常緣酒得全往事艱難君眼見
的知不是楚龍淵

皇恩儻許住三年漢代儒林有續篇求橐無爲所忠後
著鞭常恐祖生先

自古尙書伏女傳門楣也復仗天全暫將佳語酬深眷
湯餅新開第一筵

讎書祖謝想聯翩暫費山陰九萬箋嗜古同探金簡義

論交未忘角弓篇

君提調蘇州書局
局中方助刻經解

羨子冥心不寄筌塵纓未濯總脩然便從葉縣看飛舄

莫向京華憶墜鞭

讀漢書偶題二首

禍○水○親○傾○獻○壽○杯○無○端○三○木○已○成○灰○可○憐○一○斗○猩○紅○血○
曾○向○深○山○避○酒○來○
申○公○謝○客○何○曾○出○王○式○窮○居○本○不○來○苦○恨○門○生○強○解○事○
龍○鍾○卻○向○漢○廷○回○

題名賢畫像十二絕

秦少游

文○字○如○仙○玉○貌○同○華○光○一○笑○悟○虛○空○披○圖○更○有○千○秋○想○
短○李○髯○孫○在○眼○中○

陸放翁

摹蜀中
石刻像

詩·瘦·摹·成·戴·笠·圖·悲·吟·眞·到·浣·花·無·轉·憐·將·虎·綈·袍·客·
不·及·身·依·范·石·湖·

文衡山

遺·世·逃·榮·一·散·人·經·筵·底·羨·齒·詞·臣·藍·衫·自·敝·非·因·雨·
絕·勝·風·流·墊·角·巾·

楊升菴

九·死·南·荒·氣·自·雄·著·書·的·當·爲·愁·工·詩·人·知·有·英·靈·在·
萬·頃·荷·花·秋·水·中·
曾文正過新都升菴故宅聯云五千里秦樹蜀山我元過客一萬頃荷花
秋水中有詩人其宅旁種荷甚多

董香光

有自題畫像詩云平子思元賦香山池上篇壯心俱誤汝衰貌更悠然癖學屠

龍似忘機狎鳥來維摩無病病莊叟不

才崇禎甲戌孟春自題時年八十

張衡賦與香山句收拾山林到眼前隔歲挂冠真有約

此時跌坐已如禪明史本傳崇禎四年起故官三年乞休加太子太保致仕又二年卒年八

十有三是致仕在八十一歲也詩意本此惟是題崇禎甲戌年歲微有不合存攷

黃石齋

幼安苦志康節學汲黯忠言信國貞梅嶺相望孝陵側
隔江眉宇照逾明

顧亭林

枋得遺民願竟償餘生事業付綈緇
藜從此甘沙苑
薇蕨無勞羨首陽

朱竹垞毛西河

同遊西湖畫像

四布衣中絕擅名。路人爭識小毛生。餘年

帝與

林泉福意外。釣天一餉榮。

兩先生乞休後。祖南巡竝賜。

御書

不用笙歌擁紫髯。攜筇把卷意無厭。故鄉自有湖山好。更爲承平喜色添。

惲南田

三絕榮陽自古傳。家貧依樣坐無氈。袁安慣擁蓬門雪。牛骥惟賒酒肆錢。

王文簡

柳下戴笠小像

揚州司李最風流。水繪平山數勝遊。卻爲渡江詩更瘦。

斜陽笠子白門秋

陸清獻

三魚舊德種斯人。柳上高風不受塵。
百歲老翁求識面。九重聖主歎無倫。

夏日鄉間六言絕句

鳥催曉色上樹人。帶朝暾出城徑。仄更爲草沒山。惟
有蟲鳴。

劍南欲吟雨。鑊東坡且賦水車。慚愧衙齋睡足午。只柳
下煎茶。

次韻劉

鉅

笏雲謝爲其父表墓

劉善化
縣學生

麟經開筆削萬古瀾不倒碑碣資史才茲例亦云早當時苟面謾後世遭舌討爲問蔡中郎幾見郭有道平生立文字諛墓非所曉敢望世或傳不肯輒草草若翁愛道日當食心如擣叔度清不濁景純看愈好德門江海大源自濫觴肇顏齡竟不延荆璞慘在抱吾文何足重重此人倫表過辱南豐書謬推靈運寶自慚心井廢喜對詞波浩從此沈隱侯遺忘問劉杳

題費母徐太夫人箚鐙課讀圖

費庚吉號畊亭武進人由進士官至

福建糧儲道母氏徐守節撫孤成立子學曾直隸清河道孫念慈郎中

費公少也孤全生依慈母勤書飽飯餘萬卷趣上口寒

膏不滿槃斷杼時在手暗風搖立壁淡月窺曉牖養成
千歲材化作蛟龍走中州播時雨潤澤到枯朽東去莅
甌閩腰綬印懸肘安輿夾鼓吹驚咭垂白宴早時作圖
繪妙以善示後持此微塵心上答天地厚到今六十年
球刀歸世守有子佩魚錢有孫筆諫柳天昌苦節門福
祿宜可久明靈追髣髴題墨富蒐取小人觸永痛靜夜
風枝吼隕涕祭墓牛執筆心如嘔我我六君子秀擢翰
墨鼓那文毅林文忠陶文毅王文簡祁文端及錢衍石先生百代展此圖不知誰
尙友

送心雲歸會稽

陶生不得意四十從我遊惜哉丈尺水真此萬斛舟江
南蘊奇秀百寶無窮搜雍容廊廟姿少爲雲山畱聯鑣
淮海道曉吟暮不休雖如子美瘦未學東野囚奈何迫
病魔歸櫂發新秋江天黯無色執手始欲愁我亦苦頭
風職事懼不修內愧麋鹿性低回挾華輶挂冠儻有期
逝將守舊邱千秋幸卒業寸晷無輕投舒文亦國華
或免達士羞仍思山陰道挹袂看交流

題張

豫立

少渠尊人西齋讀書圖

張嘉興人江蘇候補知縣其尊

人以銘布政司理問

圖書曾出東壁譜錄猶在西齋但有清芬可誦不嫌古

籍長埋

齊愷於寇

釋之未成達宦公超能致夙儒認取圖中老屋舊遊煙雨鴛湖

王啟原

理菴以詩見寄奉答

王湘潭廩生時在幕中

楚國多才雄湘潭蔚時彥二王既龍蟠君及王秋四胡亦豹變子威昆仲英英皆我友濟濟可同傳君子翩來思三年荷

深眷直詞肝膽露妙義心曲穿每驚談笑餘精鷺日月
竈紛綸古今際深博夙所擅詩法空同流到眼掣巖電
自從曾左興湖湘甘百戰遂令勲業爛再見區宇奠吾
儕眠食穩亦要心骨鍊斯文苟不光我武人豈羨激昂

企前哲賈勇子其先旗鼓付張侯請作一人殿

過無錫適嵩佺攝縣令任到甫四日攜肴酒見迎

賦此奉謝

深秋餘熱盛。日落惠山赤。故人來清風。洗我煩鬱積。仕途如戲耳。莫作鷗鷺嚇。祇惜廊廟姿。十年姑蘇客。手攜一樽酒。前陳閒肴核。珍重地主情。此會肯輕擲。飫我蒙莊解。高論傾精液。貽我醴泉書。銀鉤列矛戟。從知清淨治。一剗俗吏迹。儒術活斯民。膠庠轉多益。豫思回棹處。襦袴聲藉藉。便躡雙鳬蹤。同登九龍脊。

題費

念慈

杞懷所藏祖父畊亭先生手書冊

孝德藏書見清芬展卷流斑文識虎豹蟠采對龍蚪兵

氣蘇吳楚家風數麴游一經仍祖武八法亦孫謀肥懷善書

題江瀚叔海詩集次見贈韻江福建長汀人寓四川

最愛解溪詠清光照酒尊君有解溪觀荷詩繁華弔吳苑詞翰

接文園負弩他年貴回瀾薄俗敦吾詩堪責券勿忘素

心論

贈叔海

飄零書劍暫依劉名論應推第一流鄉國遠承閩學派

詩人例作蜀江遊喜從吳郡窺新本肯向山陰繫小舟

我已冥心百無語爲君攄感發商謳

題王訓子揚詩集次其品月季花韻

王流陽人曾署山陽沛縣

訓導復署鹽城

年六十餘矣

皇華原隰去。恩恩覽古輪。君覓句。工蛙井。恨流袁浦水。
龍雲氣。肅漢臺。風莫從。酒後嗟。樗散飽。向淮南。詠桂叢。
一勺曹溪許。知味不須倒。海乞龍公。止見其詩一卷

十二月十九日再次韻

白袍蠟燭各恩恩。誰似先生點筆工。佳詠來從壽蘇日。
新詞猶見盛唐風。講堂喜獲三鱸兆。文陣能開萬馬叢。
矍鑠此翁元不老。未應皓首屈馮公。

大河

大河決故鄭一夕陷數州哀哉中牟民傾郭付沈浮洪
波湍且悍瀉入長淮流鴻雁無所集蛟龍方遠遊誰爲
鄭監門作繪寫百憂如聞萬家哭對之涕不收皇穹信
仁愛示怒似有由太白晝睽睽盛夏橫天陬每聞朝
廊上庶政無訐尤河神自古驕恐爲俎豆羞昨行淮揚
道湖漲如未秋舊川幾時歸暮歲忽已適蚩氓欲何適
懷懷不自謀愧無父母責胡以借前籌

謝善人詩

有序

謝善人蕙庭江蘇吳縣人居省城桃花塢以振
濟灾民人稱曰謝善人家年六十三卒子家福

能繼之持遺像家傳求題爲作此詩

吳門有謝安隱行而昭名眾號善人室居鄰才子亭

宋朱牧

仲爲唐子畏所建在桃花塢側曩在道光中天灾慘流行辛卯與己酉

萬壑波法法表延江南北憂患迭相嬰安心視由己揮

發千金簾食無嗟來媿田有續命稱丁未河南饑轉輸

振流氓醫殮兩嚴植綱紀雙蘇瓊平生工墨蘭落筆不

肯輕資乏邇一作取易粟斗升先生雖好善不以善自

旌持此寸念篤基彼百室盈令子善述事邇又蜚嘉聲

齊晉仗蘇息嚴作施則並崢嶸有如義莊裔麥舟貲更

傾仍世爲福門活人後當興從來天地憾參贊歸至誠

賢。聖。儻。自。私。品。庶。何。由。亨。士。也。齊。民。首。出。處。皆。有。營。苟。
無。濟。物。性。有。覲。同。虛。生。布。衣。是。則。然。況。乃。貴。公。卿。婆。娑。
笑。終。秩。攬。鏡。愧。簪。纓。吾。詩。發。潛。德。亦。以。箴。庶。明。勿。示。安。
庸。子。空。令。顏。汗。駢。

三次前韻答子揚並呈府學王頌平張

兆麟

秋舫

兩廣文

回首金臺一夢中海山到耳識琴工

子揚曾於京師一見

未妨鶴

髮三千丈要看鵬程九萬風雙鷺雪衣明隔水孤雛老
氣鬱深叢淮南舊是文章藪會有仙緣證八公

四次前韻呈諸廣文

國器都歸俎豆中文緣載道始稱工郊庠自古尊周禮
城闕何人悼鄭風但得芝蘭常共臭莫令榛棘暗成叢
儒生報稱無多事願與諸君勉在公

試事將竣恩

誠

明齋特

秀

子良招飲五次前韻奉

東

恩淮安府知府特戊辰進士山陽縣知縣

高門舊接登龍貴上第新知繡虎工已見王尊教安定
還聞蕭育過扶風路人共指甘棠樹嘯鳥都無苦竹叢
我是使星來益部敢煩持酒醉陶公

子揚垂示感事詩六次前韻

禮存東魯斯爲盛聲效西施未是工灞上真人龍虎氣

海南大國馬牛風。中心苦恨碁開局。左手須防博代叢。
憂世幾人如杜叟。築城本意識韓公。

題顧

雲臣

持白同年勾湖理菊圖

顧山陽人同治乙丑進士由編

修督學湖南乞養歸里其鄉先輩阮公學浩亦以
湖南學政告歸居府城內勾湖旁遺跡湮廢持白
於湖側建屋數楹祀阮公其中並築學
舍招生徒讀書種菊數畦繪爲此圖

高躅能追阮步兵。彥先吳下舊知名。秋江蓴菜宜長假。
夕膳蘭陔有落英。偶向湖邊思賀監。便從籬下覓淵明。
高堂鶴壽饒千萬。菊水年年綠滿觥。

李佐周書來云自蘇州至江甯將赴杭州遊甚暢
而未得詩佐周豈不作詩者殆不輕示人耳書此

戲之四首

巫峽安排待樂天。廬山遊記大蘇年。因風爲報西湖月。照取新詩萬口傳。

俞樓清絕照湖明。印月潭前屬老彭。便作百年人物看。與君猶幸未遲生。

江南事事都如舊。昨日清遊試細論。認取漁洋秋思否。白門憔悴晚煙痕。

韋郎祇合住蘇州。豔說微之聽越謳。爭似香山老居士。酒痕詩本盡風流。

余與子玖吳越相望身
羈公事輸君清興多矣

虛受堂詩集卷十三

長沙 王先謙 益吾

題鄭荅仙折枝畫卷

鄭名蕙儀徵人山陽程振妻寓揚州咸豐三年返儀徵母

家適賊陷揚州蕙聞自剄自縊皆遇救不食數日死以下戊子

絕粒懸知鐵作肝，尙餘春色在毫端。
從教雨葉風枝擗，也作霜根雪節看。

十三樓上血銷痕

蕙詞云只畱得青燐碧血何處十三樓

廿四橋頭月慘

魂我欲作詩追楚些，不知何處玉妃村。

鶴邨老人年八十八矣，寄示詩詞三首，言釀金架

橋事。橋在長沙會城外，任陂港君督爲之，以便行

者樂善之志老而不衰來書自言視聽如常眠食
依舊真吾鄉人瑞也奉贈一首

鳩杖先生不出門春風披拂到鄉邨肯教東道愁艱涉
會見西新續詠言報國有心追馬援填隄無路效王
尊來詩有臨老據鞍之語因鄭州河決尚思工次效力以身塞隄可謂壯矣詩豪莫笑邨翁
事方便由來佛性存

丁亥季冬淮安科試畢至泰州度歲

聞河流入淮故按試特早

戊子正月揚州試畢陸

元鼎

春江見贈四詩次韻

答之

陸仁和人江甯縣知縣署泰州

日月雙懸煥

九重

堯廷兢業代天工萬家喜

動豐年雪太史祥占艮地風官好比閭皆立社土膏植
物更宜叢使君多福觴春酒只辦虛堂舍蓋公

重洋萬里鏡磨銅一夜洪流啓鄭工遠道盡供薪御水
狂瀾須作海回風愁聞臨邑畱孤樹急與淇園下萬叢
苦憶方舟淮上過窮黎比戶禱天公

每聞召杜謳歌遠

君令山陽有惠政民懷去思

況見淵雲述作工巴

峽橫舟提句律浚儀配社有家風陰濃隨地宜棠舍香
好畱人是桂叢聞道吳兒畫團扇已將君替劍南公

臘鼓聲催鎖院中運斤來試斲泥工也知經術非時務
稍爲儒林振古風一卷新詩吳郡本三年歸夢楚山叢

霜天戀 關心餘寸未擬辭榮學長公

越南國貢使阮思僊書卷爲李幼梅題

阮早過長沙與幼梅

相得寄
題此卷

牙籤錦軸燦琅玕。湘上曾聯費使歡。白雉梯山知聖澤。朱鷺置驛盡儒冠。叩關空效秦庭泣。橫海誰登漢將壇。惟有多情李公擇。懷人展卷一心酸。

正月二十五日自試院出城登舟卽目

新年鐃鼓但聞喧。鐙火旋傳作上元。畢竟三吳重時節。市廛還有未開門。

好春差幸不曾拋。景色撩人是近郊。水活已無含凍意。

林高微見放青梢

寄從弟

先慎

慧英江陰

學道如君善可摩五年相伴住行窩吾家自有傳經派

古史離騷未足多

富貴功名轉眼非何人似子識先幾生員不羨元和惠

子美詩中大布衣

弟立志不應試每日宅有以自見稱長沙布衣某足矣

灑涕鵠原氣不伸相看時復減酸呻怪他四海論兄弟

羣從須知勝外人

通州試院集同人小飲次前歲登狼山韻

說禮何人似后蒼

慈谿林君頤山精體學

讀書著處見朱昂同來

本是菩提社小飲仍須替戾岡坐想郊原虛望眼賸將
文字拄枯腸寄園春色應無限桃蕊新紅柳綫長

程

遵道

悅甫有詩再次韻

程績溪人泰州知州署通州

書叢坐老鬢毛蒼但見高文首一昂駿馬籜雲空朔野
鳳皇儀日叫南岡如君老學宜便腹程體肥送我新篇洗
俗腸賸與浮邱挹吟袖山樓同嘯海天長

答鄧

慶元

夏甫

鄧湘鄉人候補同知

與君無半面望氣知龍泉握手海陵東搖毫落雲烟云
昔走京輦值我使未還每從自葺翁說我必解顏先生
不藏善實迺天性然獎成似元暉稱述過士元當時咸

人美曾左兩大賢一老不憊遺後來失攀援君行陟霄
漢此意當拳拳媿我山林姿豈足施雕鐫瓊瑤忽落手
感歎難具宣聊欲慰相思報以木瓜篇

晨興理髮感賦

大千積微塵眾寐失洪寶不知身是幻枉以魔自燒葛
翁書論仙蘇子歌辨道雖非長生學所見在物表我生
竟何事世網久縈繞造化苦相侵知幾愧不早朝來明
鏡裏顏色漸枯槁衰髮不勝梳散落如秋草

龔省吾寄近詩奉答

夢中踏長安雙闕晃金碧逢君冰廳話握手露肝膈

傾樽不由旬遽然月墮席清篇到霜夜激盪賦吟魄思
君困曹司廿載闕通籍 玉牒筆削煩進秩豈優格

胡然坐淹滯銓補又一扼及此職事閒煥乎文明澤安
仁賦拙宦色養不從役淵明回曠懷翼子時見責 國
門壯壇坫屋壁殷金石猶紆獻納姿終振青冥翮繁余
斷酬唱三載江南客懷祿愧舊知舒文少新獲 聖
皇奠海宇羣公富籌策精神寄區區逝晷真可惜傾陽
有低葵犯雪學古柏因聲答微旨期許在夙昔

次韻春江

寄書知己訝遷延于役空嗟閱歲年我愧使君無著地

人言刺史是慈天紀功願作離堆記

君新濬泰州城感河屬爲碑記

事還吟灞岸篇

見鄭州河工詩亦直舉胸情之作

便欲疏河起神禹不

知息土若爲填

舟中暖甚夜坐斗涼披衣對江豁然有悟

閱盡炎涼頃刻閒船窗坐對水禽閒雲遮不到天心月
樹密難圍郭外山炬火不須驚鬼物鼎形早已辨神姦
驅驅爭奪成何事左角南柯只一般

偶成

江潮帶雨入城渾曲港搖波綠繞村柳絮漫天春又老
滿街風味說河豚

江陰人喜食河豚

戲題東坡詩集

彭澤止酒真不飲杜陵堅坐亦難支先生少飲便酣睡
可怪生平多酒詩

文章於道已非尊汎愛遙憐更損神次韻肯酬訶佛老
卜居還約劾師人

潮州有廟題新碣手抉雲章氣吐霓卻把歌吟付嘲笑
苦譏韓子怪昌黎

南來醉飽亦蕭條闕韻無人且和陶還引癡兒千載後
儘將形似索皮毛

雪夜何曾訪戴君客遊長作未歸身空餘清句成佳識

玉局眞教作替人

重題

早向香山證道根。一篇詩寄鄭西門。少年未愛高官職。
豈爲風波始斷魂。太行草木送南遷。海市空明在眼前。似是神靈都解意。
的知流落不關天。

竹几蒲團活計新。天南海北總安身。老夫欲問先生學。
念念何曾是昔人。

寄友

聞道將軍百戰場。匣中雄劍吐光芒。老來賸有風情在。

駐馬皋橋問泰娘

鸚鵡才名未是奇
評論空惹子桓嗤
江南子布君知否
不及孫郎帳下兒

題沈

汝奎

惺菴詩集次其寒夜述懷韻

沈通州人
常州府教

授

冷官無事爲詩忙
踏徧江南雲水鄉
儒術何須羨臺省
國風眞許繼詞場
聞雞尙作深宵舞
繫馬應無醉態狂
我欲高吟歎才盡
賸鈔佳句付奚囊

題虛受堂

鍊賦三都藝未工
讀書萬卷思何窮
方舟願學市南子

攬鏡從輪城北。公山澤氣通千里外。乾坤形在一壺中。欲知居士清虛境。止水觀心萬象空。

夏日食鮮荔支輪船自粵至滬一夜達江陰色香

略減而味甚佳江南得此前古所無也爲賦一首

東去烟波阻樂昌。傾城如夢墮蒼茫。

余昔往粵南將下瀧而返

黃梅

初落二三子。丹荔新逢十八娘。掣電番輪通海市。然雲火寶入江鄉。登盤自觸滄桑感。底用勞民溯漢唐。

寄園闢地種菊築館其旁王理菴命曰秋芳取韓

魏公詩意也並爲賦詩次韻

倚籬繞砌散金黃。特爲新叢敞舊堂。富貴自須貞晚節

荒寒要與發奇香園中無我誰爲主秋後思君一命觴
千古流萍同聚散祇應齊物學蒙莊

特子良寄詩示所爲大魚記言光緒八年冬宰贛
榆見之一長逾十丈大數圍高五尺狀如魴微黑
無鱗鬚鬣修勁而無兩目隨潮落沙灘數日死土
人以鑄鋸脫其皮肉腥不可食然其脂雨中不滅
蓋鯨魚也一狀如馬而無足尾似羊又縣南有磬
蔽河通海大港也常壅塞每三五年則一馬魚乘
潮入港沙淤爲空土人以爲龍云次韻

論窮物理是文雄誰似沖之述異工曾見鯨鯢落明月

飽聞龍馬走遺風。聲流海角薔薇水。香到淮南桂樹叢。
回憶朱臬里前事。贛榆里名。花紅爭壽使君公。
得魚處也。

題錢志澄

怡甫母荆太淑人傳後

錢嘉興人文端公陳羣六世孫

青浦縣

知縣

南樓高行啟儒臣

宸翰榮宸畫荻人

文端以母南樓老人

夜績授經圖奏御

高宗賜詩有嘉禾欲績賢媛傳不愧當年畫荻人之句

賢母徽音仍

世續

聖朝孝理百年新。好憑風績輝彤管。再見

雲章壯翠珉。回首北堂蕭瑟地。共君垂涕潔飡晨。

甲申秋陳維之招妓樂於琵琶亭舊址客途之歡

恍焉如夢忽爲圖。屬題賦二絕句

舊友相看意氣多。忽臨歧路聽清歌。最憐仙子淩波襪。
肯帶微霜夜渡河。
荻花瑟瑟野亭秋。月自孤圓水自流。莫怪尊前歡意減。
琵琶悽絕是江州。

秋芳館壽菊生次韻四首

霜信潛將冷豔催。芙蓉黃菊一時開。爭春自讓千桃李。
誰向東風笑不才。

菊酒開筵發興新。與君珍重薜蘿身。篆香拄杖他年意。
同叔端知是壽人。

繞鬢繁霜日夜催。平生懷抱若爲開。嗤他祈福木居士。

老我論心麴秀才

風景長隨地主新。憑誰證取苦吟身。忠州花樹多情甚。
記取東坡惜別人。

堦元作

余從學使兄來署。自修復寄園。常寓於此。春秋清
佳朝夕玩賞。花樹生色。景物相親。桂萼三年行且
別去。季秋念六爲余初度。學使兄設宴秋芳館。邀
集家人歡醉。竟日客中之樂。無以逾茲。讀東坡壽
子由詩。但願白髮兄。年年作生日之句。彌覺怍然
有感。率成二絕。聊助一粲云爾。

卅載春韶激矢催花光又照酒筵開持螯對菊平生
事敢向明時怨不才

築館編籬事事新三年忘卻客中身而今霜信催歸
思輸與黃花作主人

題南菁書院講堂

才峯到處皆堪賞藝海從來豈有涯其向西京討師法
故應南學得菁華聚星知有英賢在追日甯論道路賒
要識使君無盡意東溟重見馬頭沙

將往湖南登舟作時乞假修祖墓

借得飛輪破石尤

乘祥雲輪
船沂江上

君恩新許返南州衰

年漸覺身如寄。先墓真慚古。不修夢裏雲。峯指回雁眼。
前江堰隔奔牛。不堪吳士殷勤意。肅肅衣冠拜去舟。

舟發江陰寄交代楊

顧

蓉浦同年

楊茂名人大理寺少卿

江南歡語得公遲。我與君山亦展眉。紫陌同年非隔面。
青州交代合畱詩。經綸聽報三年最。梁棟從儲百歲資。
更有鶯花相付與。寄園春已到南枝。

來往真如鳥。徙巢纏綿還作漆。投膠獨攜圓月辭京洛。

君眷屬尚在粵

先有清風在浚郊。極貴長生知子樂。隨緣安分

任人嘲。臨江豫作歸田誓。魯麥元非不繫匏。

舟至金陵大貞病沒瘞杉南門外

墓在老關帝廟側湖南長沙義

山

的皦明珠掌上摧悽皇道左豈勝哀江南一片傷心土
抵築湖陽思子臺

賴有慈悲侍居士何期流涕向高邱惟應浩浩長江水
載取孤舟萬斛愁

東坡四十九年時亦到金陵失邂逅我淚未乾兒母哭
生男生女一般癡

白下往來知不免每來爲爾奠壺觴他生知有前因在
夢裏應聞飯鮮香

寄贈葉

維幹

槐生

葉仁和人主講上海敬業
書院庚辰進士出子房

道○合○豈○楚○越○交○深○無○甘○淡○與○君○會○面○勤○臨○別○恨○時○暫○高○
懷○在○邱○壑○微○祿○捐○石○甌○揮○發○典○午○朝○述○遠○戒○訛○濫○驥○情○
軼○屈○宋○地○記○討○應○闕○藏○山○富○文○章○奪○席○謝○窺○瞰○刊○經○實○
助○我○朱○墨○紛○點○勘○采○訪○徧○故○家○經○營○少○遭○憾○鄴○籤○有○分○
架○吳○餉○致○遠○擔○所○重○匪○多○儀○肺○肝○如○篆○鑿○嗟○余○晚○得○君○
自○詡○識○未○聞○兼○旬○不○相○見○使○我○心○煩○懣○平○生○甘○說○士○抵○
肉○忍○不○啖○停○雲○寄○新○篇○斜○月○繫○孤○纜○

贈方

德驥

蘭槎卽題其集

方仁和人江蘇候補知府

長○公○一○失○時○閉○門○節○空○壯○終○然○百○代○後○見○許○陶○元○亮○方○
侯○蘊○奇○異○作○吏○豈○夙○尚○未○果○青○冥○期○聊○與○塵○俗○抗○神○功○

初未斂作雨。滿農望。至今東海郊。耆老述治狀。一麾守
大藩。萬口頌賢將。疏直竟鮮合。孤高尤近謗。無端受推
擠。不復見騰上。投閒老韓愈。日飲了袁盎。榮華何足道。
塞馬視得喪。可惜籀雲姿。未令一騁放。獨有如椽筆。溟
翻鯨。跋浪裁爲百篇文。不愧大雅匠。高才久陵替。此事
誰與讓。身文不兩昌。翦翎勿惆悵。火急書萬本。闕此祕
密藏。作歌播嘉聲。吾其謝夔曠。

仙人市道中

四年奔走暫還鄉。來往渾如社燕忙。父老莫誇遊宦好。
鬢邊一半是吳霜。

趙郎長是戀柯邨。班伯仍叨返雁門。卻對松楸空灑淚。
眞思投劾老邱園。

次韻筠仙前輩病中

以下
已丑

人生仕止皆前定。回首眞成一粲然。杜老謠吟戀

君國。富平醫藥輔天年。文章未信供餘事。香火猶疑是

舊緣。精妙五千休棄美。試教河上述眞詮。

時屢促其刊
刻詩文集

病中乞休得

俞旨敬成二律

堯天正色日方中。敢說巢由此意同。來鵠直須容一臥。
蕭輪那辦作三公。霜宵照闕心依月。塵鏡窺人首似蓬。
所恨滿腔生物意。未教行雨代神功。

分明疲馬不任鞭。里老歡言衣錦歸。賸有豪情寄煙墨。
唯應清夢入雲扉。公言似惜黃師是私議。從刊朱勝
非。曾把寶書天上看。要令寰海照清暉。時刻東華續錄未竣

題黃山谷分甯書聽松禪室真蹟

末署庭堅今藏義甯州盛氏

萬壑濤聲滿耳阿誰寫入冰絃。僧來我眉峯下。客到武昌閣前。

拏舟忽至雙井落筆能挽千年清水。巖頭夜望彩虹貫月依然。

題陳堯農先生碧湘老屋八叟圖

先牛名本欽甫翰林院庶吉士

改戶部主事充軍機章京告歸主講城南書院咸豐二年正月邀七叟觴於所居城南碧湘街故宅

屬山陰王元凱式杜圖之越四月宅燬於賊先生
時年六十三七叟者崔程髮菴栗豐經畝俱七十
二張幾庶斯章志岱巖俱六十七胡琦烺農六十
六陳重士樸菴六十二龍友夔湘橈六十俱不仕
先生子乃瀚乞題碧湘街

因馬楚碧湘宮得名也

野逸滿湖外風流接雍乾先生其猶龍七叟皆天全道
遙承平世寒鐙映青氈操舟號最能曾不涉巨川招從
飲文字至樂方陶然駢頭數甲子一笑五百年展卷想
儀形霜月炯在顏王子亦千古遺墨同蛻蟬

下士縛塵鞿高躅今見幾詩書氣猶生爵祿心先死曹
郎趨直廬日夕去天咫翩然思江海本性遠囂滓城南
有故居講論集圖史至今皋比澤沾溉渥孔里馬王舊

宮殿幾代換雲壘豈如草元亭圖存室不毀兒時竹馬
路彷彿映雲水余幼居碧湘街空餘山梁悲齋沐書紙尾

張

祖同

雨珊見示詩集虛受之懷溢於詞表爲題

此詩

張治秋兄

張侯大雅故無倫十載重逢氣味眞海納能爲百川主
夜談如對五臺賓情文舊覺孫荆重皮骨新看杜甫親
偃蹇任從勦業外異時坡顙接英塵

送王

文韶

夔石制府自湖南巡撫之雲貴總督任

用唐人送鄭尙書來字韻二首

玉帝除書北極來萬家憂喜到嬰孩乘狨已換當官座

駐馬仍銜送別杯。宣武難留李節度。徐州長憶趙行臺。
知公懷抱盈蒼赤。金碧山頭首重回。
廿載昆池墮劫灰。王褒奉使記曾來。威弧南直天河淨。
番舶西橫海市開。萬里安攘歸至計。九重倚仗是
公才。腐儒衰病甘寥落。長祝星文應上台。

題陳

海鵬

程初鎮軍禊園圖卷

園在開福寺後馬楚會春園舊址也

陳任江南福山鎮總兵領水師鎮長沙

會春遺構俄千載。小築池臺起陸沈。開士於今得祇樹。
將軍卽此是山林。收回鼓角和平響。領取鐘魚寂靜心。
間向望生亭下立。紫微淒冷白雲深。
君建望生亭於寺後以望所生處不

勝蓼莪
勞之感

龍禹門見示闡中分校用東坡監試韻詩仍次其

韻

龍名啟濤江西永新人子甲戌會試所得士華容縣知縣

廿年縻祿仕雀鼠盜官廩甘作山澤癯野鶴豈異稟自
從解組歸不覺歲歷稔猶耽文字樂未耐歌呼飲憶昔
踏名場潑墨拾餘瀋無心窺彀率非分遭甄品韓文負
慚汗陸年嗟苒桂用此絕嬉遊簡牘苦研審方知學海
大坐井陋已甚徒買盛珠櫝枉費裁袴錦飛騰各崢嶸
埋沒終砂礫誰爲捷足者千載同踔蹠頻年忝乘輅此
意淵冰凜雅好真龍躍卻棄常魚淦春華綏山桃秋實

扶桑·甚·子·尤·吾·所·畏·有·贊·輒·歛·衽·當·官·密·令·茂·興·學·蜀·
守·朕·一·昨·棘·闈·開·再·以·詩·來·諭·時·英·歸·罩·網·令·器·儲·鼎·
飪·匪·直·藻·鏡·良·此·筆·壓·任·沈·願·君·振·文·教·勿·使·風·騷·寢·
舉·國·企·循·良·羣·材·仗·雕·鏤·秋·來·廢·吟·筆·把·卷·舌·先·噤·聊·
欲·寫·余·心·聳·肩·推·夜·枕·

荷花池新宅成移居有作

廿年江海客浪迹無停畱歸來萬事廢聊欲爲身謀數
椽亦可庇時抱轉徙憂不如構我巢偃臥得自由當年
浣花老榿果出乞求游子尙有營矧茲守故邱不賃伯
鸞無免牽張融舟懷哉復懷哉終焉憩清幽

少愛城北隅。菜畦無盡綠。白水足陂塘。清風散林木。嬉

頑逐童稚。起坐忘炎伏。中間經寇亂。飛禍慘沈陸。戊午歲火

藥局灾傍舍 一時俱燼。焉知三十載。魚鱗次華屋。我來蝨其間。苟

完是亦足。稍能遠塵市。藉可安誦讀。本無遺世心。安用

逃虛躅。揚亭富文字。杜居耽水竹。百代訪斯廬。從人間

品目。

題葵園

小築園林已忝叨。餘生未肯外甄陶。姿如柳弱秋先覺。

心似葵傾日愈高。豈有羽毛誇皎潔。不堪鬢髮更刁騷。

天涯望闕無窮感。夢逐湘江北去舫。

題筠仙前輩西人所畫小像

流沙以外更殊方。鑿空乘槎倍有光。上國會盟來李揆。
千年圖畫識王商。天驕著意看麟鳳。坤軸誰言尙虎狼。
海表軼聞須補錄。便應作記付眉陽。

余又爲
文記之

再題

僑札異邦同畫泰。西歲亦數人。

西人每歲畫像通及各國有名蹟者不過數人

題曰名
人畫像

卽此聲名蠻貊已知血氣尊親

皇威終訖八極使命先到遐陬宅年作西域傳都護始
安遠侯